

FO'ER-FATIN & FO'ER



Armagh City
Banbridge
& Craigavon
Borough Council

Konsellu fornese servisu hodi halibur fo'er ho volume boot no sasán boot husi uma-kain ne'ebé la tama ba fo'er-fatin n.e. meza, kama, tapete, jeleira, mikro-ondas, nst.

Hodi hetan tan informasaun kona-ba servisu foti fo'er ne'ebé fornese iha Konsellu Armagh City, Banbridge and Craigavon Borough favór telefone **0300 0300 900** ka vizita **www.armaghbanbridgecraigavon.gov.uk**

Karik Ita-Boot la hasai fo'er depoizde iha pedidu, dala ruma Ita-Boot bele hetan **multa £80** ka Konsellu bele fó notifikasaun legál no bele lori Ita-Boot ba tribunál **ho multa másima £2500**.

FAVÓR LEMBRA KATAK FO'ER-FATIN SIRA TENKE:

- ☑ Rai iha estrada ninin molok **tuku 7 dadeer** iha **loron korretu** ne'ebé Konsellu sei halibur fo'er ne'e.
- ☑ Taka hela, **labele tau fo'er** adisionál iha leten ka iha fo'er-fatin nia sorin.
- ☑ **Muda fo'er-fatin husi paseiu públiku** depoizde Konsellu foti fo'er no tau fali ba Ita-Boot nia uma.
- ☑ Tenke kontein **sasán korretu** ka Konsellu sei la **foti fo'er**.



Kada uma-kain bele halo esforsu ki'ik de'it maibé iha impaktu pozitivu tebes ba Ita-Boot nia área no garante katak Ita-Boot nia bairru moos hela.

ESTRADA KA PASEIU? LAE.

- ✔ **Muda fo'er-fatin husi paseiu públiku** no tau fali ba Ita-Boot nia uma iha kedas momentu ne'ebé bele depoizde Konsellu foti fo'er.
- ✔ Labele rai fo'er-fatin iha estrada ka paseiu tanba bele inkomoda, kria perigu ka obstrusaun ba ema seluk, inklui ema ne'ebé uza kadeira-roda, sira ho matan la di'ak no sira ne'ebé dudu karriñu.
- ✔ Fo'er-fatin sira ne'ebé rai iha estrada/paseiu bele mós hamosu vandalizmu, fo'er, soe fo'er arbiru no ahi (insêndiu).

HA'U BELE KA LAE TAU PLÁSTIKU NE'EBÉ NAKONU HO FO'ER IHA FO'ER-FATIN NIA SORIN KA IHA KORREDÓR KOMÚN SIRA? LAE.

- ✔ Konsellu sei la foti plástiku ne'ebé nakonu ho fo'er husi uma-kain ne'ebé tau iha fo'er-fatin sira-nia sorin.
- ✔ Kuandu fo'er hada-hada, bele kria problema saúde pública tanba iis, no dada lalar no laho boot.
- ✔ Tenke fó konsiderasaun no iha responsabilidade hodi hamoos korredór komún sira.
- ✔ Hamoos no aruma ho regulár.

DALAN SELUK HODI SOE FO'ER ADISIONÁL:

- ✔ Sentru resiklajen
- ✔ Foti fo'er ho volume boot
- ✔ Fó ba organizasaun benefisiénsia

Kontakta Divizaun Jestaun Fo'er iha númeru **028 3833 9031** hodi hetan **informasaun tan**.